



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1721. usque ad annum 1724

**Fleury, Claude**

**August. Vind. [u.a.], 1783**

**VD18 90119304**

§. 60. Severissima fatalis edicti executio.

---

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

p̄cis indulgens, & peregrinis eorum scientiis Sæc. XVIII.  
 fascinatus non parum gloriæ suæ apud Man- A. C. 1724.  
 darinos detraxit: nec ego doctos Europæos  
 odio habeo, ac propterea eis Peckini com-  
 morandi gratiam facio, averſor autem turbas  
 in meo Imperio motas, nec concedere poſſum,  
 ut antiqui ritus aboleantur. Delatæ sunt  
 ad me non tantum a Fockienſi Provincia,  
 ſed ab aliis quoque pluribus graves querelæ,  
 ac propterea volo, ut omnes Europæi ab-  
 ſcedant, id tamen gratiæ concedo, ut non  
 Macaum, ſed Cantonem emigrent, ibique  
 tolerantur, quamdiu quiete & tranquille,  
 quin legem Chriſtianam prædicent, ſeſe  
 continuerint.

Cum ergo Miſſionarii amplius obti-  
 nere deſperarent, Imperatori grates re-  
 penderunt humillimas.

§. LX.

*Severiſſima hujus edicti executio.*

Hujus edicti executioni præfigebatur  
 dies decima ſeptima Februarii, Du Halde  
l. c. p. 161.  
 quamplurimi tamen Mandarinum moræ Holberg.  
t. 4. p. 150.  
 impatientes præſtitutum tempus præ-  
 ſtina rabiæ prævertebant: mox ergo  
 incredibili acerbitate Gubernatores mi-  
 litibus ſtipati Paſtores a ſuis oviculis  
 avellunt, cunctosque aut Peckinum aut  
 Cantonem abripiunt, trecentas Eccle-  
 ſias aut diruunt, aut in profanos uſus  
 pro

Sæc. XVIII. pro libitu convertunt, vel Idololatricæ  
 A. C. 1724

superstitioni devoent: plusquam tre-  
 centa Christianorum millia suis Pasto-  
 ribus orbata, infidelium prædæ reli-  
 quuntur, squalent, nec fidem suam  
 publice profiteri audent, ne iram Im-  
 peratoris & Mandarinorum magis ac-  
 cendant. Insuper, ut secundioris aetatis,  
 ac revocandæ libertatis spes omnis in-  
 tercederetur, Imperator ipsemet librum  
 composuit, in quo Christianos nequissi-  
 mis *Pebenkinæ* sectæ Sinenfibus ad Se-  
 ditionem semper paratis comparans præ-  
 cepit, ut ex hoc libro omnes omnium  
 Urbium populi instruerentur, ejusque  
 doctrinæ a capite ad calcem explicaren-  
 tur: Postea omnes libertatis literas,  
 quas ejus Prædecessores Christianis  
 concesserant, comburi jussit, eo ipso  
 autem momento, quo illas ignis a sa-  
 crilego furore accensus consumpsit,  
 fulgur de cælo descendens Confutii Tem-  
 plum percussit, illudque ultrice flam-  
 ma funditus absumpsit, adeo ut con-  
 flagratis omnibus, qui ibidem erant  
 repositi, thesauris nequidem Confutii  
 ossa amplius reperiri potuerint: Inpu-  
 tabatur hujus incendii culpa Christia-  
 nis, unde aucta in eos aversione om-  
 nium calamitatum genere opprimen-  
 bantur: atque ex quinquaginta tribus  
 Missionariis, qui adhucdum *Pecki*  
 mor

morabantur, potissimi Macaum raptati, Sæc. XVIII.  
 & Sinenses Neophyti in carceres con- A. C. 1724.  
 jecti, necnon tormentis cruciati: præ  
 ceteris vero Regii Principes Sunici,  
 qui Imperatorem propinquo Sanguinis  
 gradu attingebant, acerbius habeban-  
 tur; cum enim nobilissimæ hujus fa-  
 miliæ filii ac filiæ jam dudum sacro  
 fonte tincti ingenti fervore, ac pietatis  
 sensu religionem Christianam publice,  
 constanterque profiterentur, Mandarinum  
 horum exemplum ad ceterorum imi-  
 tationem ac constantiam ingens fore  
 incitamentum veriti, Imperatorem im-  
 portunius instigabant, ut illos vel blan-  
 ditiis ad sectam revocaret, vel in reni-  
 tentes totam indignationis suæ molem  
 exoneraret: Tentatur ergo Principum  
 constantia, offeruntur summæ dignita-  
 tes & præmia, promittitur perenna  
 Imperatoris gratia: Verum ad hosce  
 assultus Principum animus ad fidem  
 Christo illibate servandam obfirmatus  
 minime mollescere cæperat, minus  
 vero titubabat: fortiores ergo admo-  
 ventur minarum machinæ, sulphurata  
 Imperatoris indignatio, rerum tempo-  
 raliū ruina interminatur, eisque  
 suadetur, ne velint iram prius experiri  
 quam gratiam: cunctis vero nihil pro-  
 ficientibus ab Imperatore toti huic il-  
 lustrissimæ Familiæ exilium indicitur,  
 inji-

Sæc. XVIII. injiciuntur catenæ, nulla cruciatuum  
A. C. 1724. vis prætermittitur. Haud ignorabant  
 generosi hi Principes, quo tam inhu-  
 mana Imperatoris ira in agnatum san-  
 guinem desævians spectaret, ipse etiam  
 carceris custos monebat, unicam esse  
 salutis viam, si ejurata Europæorum  
 religione ad patrios Ritus reverteren-  
 tur: Verum ad hæc voces exhorre-  
 Principes, millies discerpi, quam e-  
 dem Christo datam vel verbo violare  
 parati. Ergo palatiis suis, amplis for-  
 tunæ bonis, grandibusque dignitatibus  
 exuti in Tartariam ejiciuntur, & fame  
 ac siti prope enecti, immenso exultant  
 gaudio, quod pro Dei honore & Chri-  
 stianæ fidei amore digni habiti essent,  
 exilium & contumeliam pati: Vix ad  
 exilii sui locum *Furdam* Tartariæ ur-  
 bem vix non nudi, omniumque inopes  
 deportati erant, cum e Principatu suo  
 velut ad fortunatissimam ac permanen-  
 ram cæli Insulam sese translato gavili  
 Missionariorum munere fungi incipe-  
 rant, omnesque incolas, quotquot pot-  
 erant, ad veræ fidei agnitionem expo-  
 sitis Christianæ Religionis præceptis  
 pertraherent: Comitabantur eos utrius-  
 que sexus septuaginta exules, calami-  
 tatis æque ac Apostolici laboris socii  
 ac fructus; plerique enim ad Christia-  
 nam veritatem efformati, suorumque  
 Dom

Dominaurum exemplo, monitisque ad Sæc. XVIII.  
omnem probitatem instituti in hac ter- A. C. 1724.  
ra deserta in vinea Domini laborare  
certabant: Nec tamen diu interno hoc  
solatio frui permittebantur, cum enim  
eorum Parens, prope octogenarius Prin-  
ceps accusaretur, quod ipse aliquot ex  
Filiis, subditisque suis Christianæ legi  
nomen dare permisisset, etiamsi ipsemet  
Imperatoris iram, suarumque faculta-  
tum jacturam veritus nunquam Baptis-  
mum recepisset, nihilominus in exi-  
lium pariter detruditur, ejus vero Filii  
in varias disperguntur Provincias, ac  
novem singuli gravibus catenis e collo  
pendulis onerati in varios raptantur  
carceres, omni humano destituti au-  
xilio, ex quibus Josephus Princeps  
sanctitatis fama celebris Anno 1727.  
in carcere obiit. Omnibus tamen hisce  
ærumnis acerbiozem regiis Princi-  
pibus intulit animi dolorem, quod  
Patrem suum licet de Christianæ legis  
veritate convictum, spe tamen ad pri-  
stinam dignitatem redeundi obcæca-  
tum, nunquam ad fidei professionem  
perducere potuerint, sine Baptismo in  
exilio mortuum. Feliciozes erant  
tres ejus Filii, qui carceris squalore  
confecti, & a militante Ecclesia ad  
triumphantem translati, invictæ suæ  
constantia coronam in cælis adepti  
sunt,

Sæc. XVIII. sunt, quorum exemplo quamprimum per  
A. C. 1724. Imperium sparsi non minus heroica  
 Christianæ constantiæ specimina edi-  
 dere: Nec otiosi in suis latebris hære-  
 bant varii Ordinis Missionarii, qui in-  
 superhabito Imperatoris mandato, quo  
 vetera contra Viros Apostolicos edita  
 exacte in usu deduci, nullique veniam  
 dari præcepit, clam Christianis Sacra-  
 menta administrabant, eosque ad Verbi  
 Divini pascua deducebant. Ex his ta-  
 men quidam Dominicanus, alius Ca-  
 puccinus, ac denique Franciscanus  
 Sinentibus proditi capiebantur, qui ali-  
 quamdiu in carcere detenti capite plecti  
 sunt. Referunt, abscissum Capuccini  
 caput per integras tres horas Evange-  
 lium annuntiasse, & quamvis Sinentes  
 pudore suffusi linguam e capite vene-  
 rando eruisent, nihilominus tamen  
 Verbum Dei annuntiantem audire co-  
 gebantur, nec præpedire poterant, qui  
 hoc prodigio permoti gentilium non  
 pauci palam fidei Catholicæ nomen da-  
 rent. Missionarii quoque a S. Congre-  
 gatione de Propaganda in Sinas missi  
 quosdam in China natos designabant,  
 qui clam in variis Provinciis salutis me-  
 dia Christianis propinarent. Ex Jeli-  
 tis etiam tres natione Sinentes, sub  
 mercatorum atque opificum habitu Ur-  
 bes, oppida & pagos percurrerant, &

ob nativam linguæ peritiam minus fu- Sæc. XVIII.  
 specti suorum popularium salutem fe- A. C. 1724.  
 dulo procurabant. Peckini insuper,  
 connivente Imperatore, in Templis,  
 adhibita tamen omni circumspeditione,  
 Christiani conveniebant, tanto impigri  
 laboris fructu, ut intra unius anni an-  
 gustias plusquam decem millia Sacra  
 Dape sint refecta, multique, præcipue  
 infantes morituri, aqua lustrali abluti  
 fuerint. Idem quoque Cantone factum,  
 quamvis occultius. Plures etiam Ur-  
 bium Governatores præcipua Christia-  
 næ Religionis exercitia caute impensa  
 dissimulabant, eoquod Imperatorem  
 Peckinensibus Patribus ob scientiarum  
 artiumque peritiam propensum esse,  
 eosque ab illo non modo tolerari, sed  
 & publicis dignitatibus honorari, imo &  
 Patrem Ignatium Kögler in supremum  
 Mathematici Collegii Præsidem nomina-  
 tum, & quod sane mirum, in Rituum  
 quoque Senatum fuisse introductum  
 nossent.

## §. LXI.

*Nova Legatio Apostolica ad Impera-  
 torem Sinensem a summo Pon-  
 tifice decreta.*

Hoc item anno summus Pontifex ex Binner l. c.  
 consilio S. Congregationis de Pro. pag. 161.  
 paganda fide literas ad Sinensium Im- Eusebii En-  
chirid.  
Hist. Eccles. Tom. LXXI. D d d pe- Chron. p. 469.